

«Carstgauns calan buca da termagliar pe els vegnan vegls perquei ch'els calan da

MONIQUE HUONDER, SCOLASTA D'ENGLES E MENADRA DALLA LUDOTECA MUSTÉR



Termagliar e dar giugs possibilitescha oriundamein da seder giu in cun l'auter e quei per plascher e divertiment dils participonts. Quell'interacziun ei activa, scolescha empatia, promova convivenza e comunicaziun e trenescha savens habilitads motoricas. Giugs specifics promovon aunc ulteriuras habilitads. Affons exerciteschan da leger e quintar, dad explicar e da setener vid reglas. Els emprendan dad esser tolerants, da spiarder e gudignar en dignitad. Quei ein cumpetenzas socialas che vegnan dabien ad els sez ed al contuorn.

Differentas spartas da termagls

Sco ludotecara e scolasta secundara ha jeu saviu observar ils davos 20 onns beinenqual trend. Jeu differenzieschel treis spartas giugs:

- giugs da famiglia
 - giugs electronics
 - giugs concepì a posta per la scola
- Suandonta survesta porscha ina schelta da giugs adattai per l'instrucziun da lungatg:

Emprender enten far termagls

Cun auters plaids: Il meglier ei da vegnir vegls termagliand, pertgei termagliar mantegn ins giuvs.

Termagliar e dar giugs vegn savens aunc resentiu sco passatemp da pintga valeta. En scola spetgan ins ch'els affons lavurien ed emprendien quei ch'ei impurtont per la veta enstagl da termagliar e dar giugs.

Affons che van aunc buca a scola termaglian di per di, emprendan ed

exerciteschan aschia habilitads ch'els drovan el mintgadi. Affons carezan termagls da tuttas sorts ed ein fetg creativs. Figuras daventan personas imaginaras e sch'ins fa bein stem sche san ins persequitar co els imiteschan il sedepurtar dils carschi en lur giugs. Pli vegls ch'els vegnan e pli gronda daventa la fascinaziun da computers e telefonins. Quels instruments zun nizeivels san denton era vegnir duvrai per giugs solitaris e meinan enqualin ella dependenza da giugar bunamein di e notg senza in visavi.

Empermettent

Pertgei buca porscher al scalem primar il rom facultativ «GIUG»? Ei setractass d'ina lecziun divertenta che scolescha ils differents sensoris digl affon. Specialmein adattau fuss ina tala purschida specialmein leu nua ch'els affons enconuschan buca il dar giugs en famiglia.

La Ludoteca Mustér presenta adina puspei novs giugs e giugs ch'ei secumprovai a scolastas e scolasts.

rquei ch'els vegnan vegls; termagliar.»¹

giug	trenament da	vegliadetgna	criteri	plascher
Quizlet live	scazi da plaids	10 +	emprender en gruppa	😊😊😊
Quartet	scazi da plaids, verbs irregulars	8 +	dumandar, repeter, tener cartas	😊😊😊
Tabu	scazi da plaids, declarar plaids senza duvrar certas expressiuns	12 +	emprender en gruppa declarar e controllar	😊😊
Get a letter	scazi da plaids	10 +	clamar giu savida sut stress, duell individual ni en gruppa	😊😊
4 gudogna	verbs irregulars	12 +	duell	😊😊
Jenga	verbs irregulars	12 +	motorica fina, memoria	😊😊😊
giug dallas scalas	plaids, cefras, grammatica, conuschientscha generala, lectura	5 - 99	tener ora frust memoria	😊😊😊
Top Trumps	Scazi da plaids animals, adjectivs	12 +	Comparegliaziun dad adjectivs, emprender en gruppa	😊😊😊
Story cubes	tut ils lungatgs	5 - 99	fantasia, raquintar	😊😊
Lotto	diembers, temps, colurs, meins....	5 - 99	motorica fina, memoria	😊😊😊
Absolutely English	Scazi da plaids, grammatica, savida generala	13 +	emprender en in team	😊😊😊 pretensius
Dobble	Animals, there is/there are	11 +	observar ed anflar detagls	😊😊
Tic tac bumm	scazi da plaids	13 +	clamar giu plaids sut stress	😊😊😊

Ella cusseglia e metta a disposizun tals pil diever era en scola. A caschun d'in luvratori public che vegn realisau el decuors dalla primavera proxima muossan ed instrueschan affons da

scola a conscolaras e conscolars d'autras classas, a geniturs ed interessai quei ch'els giogan cun plascher ordeifer il temps da scola.

¹ Oliver Wendell Holmes (1809 - 1894), medi american